

**Qodobka 265aad**

Nidaamka Wilaayadda Garsoorka iyo Awooddha

Waxaa lagu dhaqayaa nidaamka wilaayadda Garsoorka iyo awocada isla habka lagu soo sheegay Qodobbada hore.

**MADAXA AFRAAD****ARJIGA KU NOQOSHADA**

Qodobka 266aad

Xaalaadka ku noqoshada

Waa bannaan tahay in lagu duro xukunnada kama dambeysta ah arjiga ku noqoshada xaalaadka soo socda:

- 1.) Haddii sabab u ahayd xukunka soo saariddiisa khatal uu la yimid dhinac ka mid ah Dacwadda oo chibaato gaarsiisey dhinaca kale.
- 2.) Haddii la caddeeyo xukunka kacidb in sugitaankii laga dhisay xukunka uu been ahaa.
- 3.) Haddii dhinaca arjiga soo qortay uu helo kaddib markii xukunka soo baxay warqado si cad wax uga sheegaya Dacwadda ayna u suurtoobi weyday in uu markii hore keeno iyadoo ay sabab u ahayd arrima uusan waxba ka qabankarayn ama gaf uu lahaa dhinaca kale.
- 4.) Haddii xukunka soo saariddiisa ay sabab u ahayd gaf ku saabsan arrin ku cad warqadaha Dacwadda iyo Dokumentooyinkeeda.
- 5) Haddii ay ku sugnaato xukun leh xoog kama dambeyts ah in uu xukunku ku soo baxay khiyaanada Garsooraha.

**Qodobka 267aad**

Arjiga ku noqoshada ee Xafiiska Xeer Ilaliyaha Guud

Mararka ay waajib ku tahay Xakiiska Xeer Ilaliyaha Guud inuu ka qayb galoo dacwadaha waxaa u bannaan inuu ku duro xukunka arjiga ku noqoshada gooraha soo socda:

- 1.) Haddii uusan ka qayb gelin dacwadda.
- 2.) Haddii ay caddahay in dhinacyada ku heshiiyeen iiy khiyaameeyaan Xeerka.

## Keenidda arjiga

Arjiga ku noqoshada waxaa lagu samaynaya warqadda u yeerida ee la hor geeyo Maxkamadda soo saartay xukunka la duraayo.

Waxaana waajib ah in laga helo warqadda u yeeridda asbaabta arjiga ku noqoshada iyo sugidda caddayneysa inay jiraan arrimaha lagu sheegay Qodobka 266.

Waxaana waajib ah inuu saxiixo warqadda u yeeridda qareen haysta wakaalad gaar ah, taasoo uu la socdo rasiid tilmaamaya in la dhiibay ajuurada waajibka ah.

## Qodobka 269aad

## U celinta axkaanta dacwadaha darajada koowaad

Waxaa loogu dhaqmayaa arjiga ku noqoshada axkaanta u dhigan dacwadaha darajada koowaad, haddii ayna khilaafsanayn qodobka lagu dhaqo arjiga ku noqoshada.

## Qodobka 270aad

Joojinta fulinta.

Waa u bannaan tahay Garsooraha fiirinaaya arjiga ku noqoshada ah inuu joojiyo fulinta xukunka lagu soo duray arjiga ku noqoshada, sida haddii uu warsado dhinacyada midkood asagoo dhegeystay dhinaca kale, kana qaaday dammaanad haddii loo baahdo.

Haddii Garsooruuhu oggolaan waayo ama uu diido arjiga ku noqoshada, asbaabta uu ku dhisan yahay oo aan sal lahayn awgeed, wuxuu xukumayaa in Dacwooduhu waayo dammaanadda, wuxuuna saarayaa kharajka.

Haddiise Maxkamaddu oggolaato arjiga ku noqoshada waxay amreysa celinta dammaanadda waxayna wax ka goyneysaa dulucca Dacwadda, ayadoo tirtireysa waxyaalihii ka dhashay xukunka la soo duray.

## Qodobka 271aad

## Duridda xukunka lagu dhammeeyey arjiga ku noqoshada

Ma bannaana in lagu duro arji ku noqosha ah xukunka lagu dhammeeyey arji ku noqosha ah.

Haseyeeshee waa bannaan tahay in xukunkaas lagu duro jidadka kale ee dha ah, haddii aysan dhammaan muddooyinka duridda.

## BUUGGA SADDEXAAD

HABABKA GAARKA AH

BAABKA KOOWAAD

DACWOORYINKA GAABAN

MADAXA KOOWAAD

DACWOORYINKA LAGU FULINAAYO AMARKA

Qodobka 272aad

Warqadaha leh xooga fulinta

Haddii xagu yahay mablaq lacag ah ee isla markaas la muteystey ama shey beddelkiisa la chiib karo, intuu yahayna xaddidan tahay ama shey guurto ah oo go'an oo la muteystey dhiibiddiisa waxaa u bannaan Maxkamadda awoodda leh markii uu soo warsado deynluhu in ay amarto bixinta ama dhiibista:

- 1.) Haddii xagu ku dhisan yahay sugitaan qoran.
2. Haddii deyntu ku saabsan tahay xushmada qareennimada ama celinta kharajka soo gaara qareennada, wakiilada, kaaliiyayaasha, gaarsiiyayaasha ama qof kasta oo kale ee gutey shaqo ku saabsan Dacwadda.
3. Haddii deyntu ku saabsan tahay abaalgud laga qaadanaayo shaqooyinka teknikada ah.

Ma bannaana in la amro bixinta haddii ay waajib tahay in lagu gaarsiiyo deynqabaha Jamhuuriyadda dibaddeeda.

Qodobka 273aad

Sugitaanka qoran

Waxaa ah sugitaan qoran ee toosan sida waafaqsan qodobka ho-re: warqadaha caymiska (polizze), ballanqaadyada dhinaca Kaaliyaha sameeyo, qoraalada warqadaha gaarka ah, xisaabaha Bangiyada iyo sidoo kale qoraallada xisaabaha ah ay waajib tahay in la aqoonsado laguna dhejiyo boollada.

Qodobka 274aad

sugitaanka qoran ee amaahda dawladca iyo Wakaaladaha Guud

Waxaa u ah sugitaan amaahda dawladda iyo Wakaaladaha Buugga iyo diiwaannada Maamulka guud haddii ay isku dubbarriidhan yihiin.

Sidoo kale waxaa sugitaan ah baaridda uu sameeyo Xafiiska shaqada.